

Katersugaasiveqarneq pillugu Inatsisartut inatsisaat nr. xx, xx. xx 2015-imeersoq
(*Ilinniartitaanermut, Kultureqarnermut Ilisimatusarnermut Ilageeqarnermullu*
Naalakkersuisoq)

Pillugu

Kultureqarnermut, Ilinniartitaanermut, Ilisimatusarnermut, Ilageeqarnermullu
ataatsimiititaliap

ISUMALIUTISSIISUTAA

Kultureqarnermut, Ilinniartitaanermut, Ilisimatusarnermut Ilageeqarnermullu
Ataatsimiititaliap siunnersuummik suliaqarnermini makkuninnga inuttaqarpoq:

Inatsisartunut ilaasortaq Steen Lyngge, Atassut, Siulitaasoq
Inatsisartunut ilaasortaq Vivian Motzfeldt, Siumut, Siulittaasup tullia
Inatsisartunut ilaasortaq Randi V. Evaldsen, Demokraatit
Inatsisartunut ilaasortaq Peter Olsen, Inuit Ataqatigiit
Inatsisartunut ilaasortaq Iddimangiiu Bianco, Inuit Ataqatigiit

UPA2015-mi Siunnersuut ulloq 12. marts 2015 siullermeerneqarnerata kingorna
ataatsimiititaliamit suliarineqarpoq.

Siunnersuutip imarisaa siunertaalu

Siunnersuummi matumani siunnersuuteqartup katersugaasiveqarneq pillugu inatsisit
pioreersut nutarterneqarnissaat siunertaraa tassuunakkut piorsarsimassutsikkut kingornussat
tigussaannngitsut innarlitsaaliorneqarnissaat pillugu inatsimmi UNESCO-p
isumaqatigiissutaata 17. oktober 2003-meersup pisusaaffiliinerisa ilanngunneqarnissaat
siunertarineqarluni.

Siunnersuut nutaatut pingaarnertut inatsimmik iluseqarpoq, tassuunakkut
piorsarsimassutsikkut kingornussat tigussaasut tigussaannngitsullu innarlitsaaliorneqarnissaat.
Piorsarsimassutsikkut kingornussat tigussaannngitsut innarlitsaaliorneqarnissaat pillugit
uppernarsaasiornissamik suliaqartussa q tassaa assaaq Kalaallit Nunaanni
katersugaateqarfik allagaateqarfillu. Tamatuma saniatigut oqaatsit “nunatsinni eriagisassat
itsarnitsat” aamma “nunatsinni eriagisassat pinngortitameersut” ilanngunneqassapput,
taamaaliornikkut nunatsinni itsarnitsat uppernarsarneqartassallutik
nassiuaasiorneqartassallutik kiisalu illersorneqartassallutik.

Kingullertut Kalaallit Nunaanni Katersugaateqarfiup allagaateqarfiullu kiisalu katersugaasiviit siammassissumik atuunnerat pillugit aalajangersakkanik siunnersuut imaqarpoq.

Siunnersuutip inatsisartuni siullermeerneqarnera

Siunnersuutip matuma siullermeerneqarnerani partiit tamarmik siunnersuut tapersorsorpaat annerusumillu oqaaseqaratik ataatsimiititaliammi suliarisassanngorlugu innersuussutigalugu.

Tusarniaanermi akissutit

Tusarniaanermi akissutigineqartut siunnersuummut ilanngunneqarput, tamannalu Inatsisartut siulittaasoqarfianit piumasaqaatinut naapertuuppoq.

Siunnersuutip matuma tusarniutigineqarnera piffissami 12. juni 2014-miit 8. juli 2014-mut ingerlanneqarsimasoq ataatsimiititaliamit maluginiarneqarpoq. Tusarniaanerup sivisussusaata naammaginanginera ataatsimiititaliamit maluginarneqarpoq, tassami sapaatip akunnerini sisamaannarni ingerlanneqarsimammat. Siunnersuutip nalinginnaasumik oqaaseqaatitaanni takuneqarsinnaavoq KANUKOKA, kommunit, NUKAKA aamma Kalaallit Nunaanni Katersugaateqarfiup allagaateqarfiullu tusarniaanermi akissuteqarnissamut piffissaq 15. August 2015-mut sivitsorsimagaat. Naalakkersuisut ataatsimiititaliamit kaammattorneqassapput tusarniaaaffigisat tusarniaanermut akissuteqarnissamut periarfissilaaginnarnagit, piviusorsiortumilli periarfissittaqqullugit.

Siunnersuutip ataatsimiititaliamit suliarineqarnera

Aallaqqaasiullugu siunnersuutikkut matumuuna katersugaasiveqarneq pillugu inatsisip nutarterneqarnera ataatsimiititaliamit pitsaasutut isigineqarpoq. Taamaattumiillu ataatsimiititaliaq isumaqarpoq katersugaasiveqarneq pillugu inatsisip atuuttup nutarterneqarneratigut inatsisit atuuttut ataatsimoortinneqarneri pineqarmata aammalu pisariaqarsinnaammat inuiaqatigiittut kulturikkut kingornussassatinni tigussaannngitsunik kinguneqartitsisarnermi pingaartitsinermik. Peqatigalugulu ataatsimiititaliamit pissusissamisoortutut isigineqarpoq Danmarkip Kingornussassat tigussaannngitsut pillugit UNESCO-p isumaqatigiissutaanut ulloq 17. oktober 2003 peqataaffigiligaanut kalaallit nunaat 2009-mi peqataatinneqalerpat, maannakkullu inatsiseqarnitsinnut ilanngutsinneqarpata.

Siunnersuutip § 1-ani oqaatsip kulturikkut kingornussat pissusissamisoortunngorneqarsimanerat siunnersuummi takuneqarsinnaavoq. Siunnersuut manna aqutigalugu oqaatsip “kulturikkut kingornussat” ersarissumik oqaasertalerneqarsimanerat ataatsimiititaliamit pitsaasutut isigineqarpoq, taamaalillutik kulturikkut kingornussat tigussaasut tigusaannngitsullu oqaasertaliinermi ataatsimut paasis nartumik oqaasertalerneqarsimallutik. Siuliani taaneqartutut UNESCO-mi isumaqatigiissutitut § 1-mi oqaasertaliunneqartutut nutarterinerinnaasoq ulluinnarnilu katersugaasiveqarnermi sulinermi allannguisuunngitsaq ataatsimiititaliamit paasineqarpoq.

Siunnersuutip kapitali 2-ani ersippoq, piffinni katersugaasiviit annertunerusumik peqataatinneqarnissaat siunertarinqartoq. Tamatumunnga peqatigitillugu Kalaallit Nunaata Katersugaasivia § 6 aqqutigalugu peqquneqassaaq piffinni katersugaasiviit suleqataasullu allat nunatsinni kulturikkut kingornussatta nassuiaasiorneqarnissaanut peqataatittaqqullugit. Suliniut tamanna ataatsimiititaliamit qujarunneqarpoq, tassami nunani kalaallit nunaatut annertutigisuni piffinni ilisimasat periarfissaqartillugu sapinngisamik atorneqartariaqarmata.

Tamatumunnga atatillugu Siunnersuutip matuma suliarineqarnerata aallartisarnerani iluaqutigineqartumik peqataatinneqarsimasinnaanertik pillugu piffinni katersugaasiviit kattuffiata NUKAKA-p Naalakkersuisunut oqaaseqaataat ataatsimiititaliamit isumaqatigineqarpoq. Inatsisit attuumassutillit oqaasertalersorneqarnerinik suliaqarnermi tamatumunnga soqutiginnittut sapinngisamik peqataatinneqartarnissaanut Naalakkersuisut ataatsimiititaliamut isumaqataanissaat ataatsimiititaliamit naatsorsuutigineqarpoq.

Siunnersuutip aningaasatigut kingunissai

Siunnersuutip piviusunngortinneqarnerani siunnersuutip aningaasatigut kingunissai siunnersuummut nassuiaatini nassuiarneqarsimapput. Tassani allanneqarsimavoq pisortanut, namminersorlutkik inussutissarsiortunut inuttaasunulluunniit aningaasatigut allaffissornikkulluunniit siunnersuutip kinguneqarnissaa naatsorsuutigineqanngitsoq.

Siunnersuummut nassuiaatini arlaleriarluni erseqqissaatigineqarpoq Kalaallit Nunaanni katersugaateqarfiup allagaateqarfiullu suleriaasiata maannakkut atuuttup ersarissarneqarnerata nutarterneqarnerinnaraa. Tamanna tunngavigalugu siunnersuummut aningaasatigut kingunissarittineqartut pillugit tamakkiisumik paasissutissiissutigineqarsimasut ataatsimiititaliamit nalilerneqarpoq

Ataatsimiititaliamit inassuteqaatit

Ataatsimiititaliap **isumaqatigiittup** siunnersuut akuerineqassasoq inassutigaa.

17. marts 2015

FM2015/103

Taamatut oqaaseqarluni isumaliutissiisummilu allanneqarsimasutut paasinnilluni ataatsimiititaliap siunnersuut appassaanniigassanngortippaa.

Steen Lynge, Siulittaasoq

Vivian Motzfeldt

Randi V. Evaldsen

Peter Olsen

Iddimangiiu Bianco Jensen